

ديوان شعر

# نسائم الحمادة الحمراء

شعر

د. محمد سعيد القشاط



## بطاقة فهرسة

حقوق الطبع محفوظة

مكتبة جزيرة الورد  
اسم الكتاب : ديوان نسائم الحمادة الحمراء  
المؤلف : د. محمد سعيد القشاط  
رقم الإيداع :  
الترقيم الدولي:

الطبعة الأولى ٢٠١٨

  
مكتبة جزيرة الورد  
القاهرة : ٤ ميدان حليم خلف بنك فيصل  
ش ٢٦ يوليو من ميدان الأوبرا ت : ٠١٠٠٠٠٤٠٤٦ - ٢٧٨٧٧٥٧٤

الإهداء

إلى أبنائي الأعزاء .  
إلى الأعزاء في الوطن

محمد

## أوهام

أوهام خاطره وأوهام دوب ايهسُوا  
كائنات تحت الحائيات يلسُوا  
أوهام بداره  
وين يخطرُوا يخلُوا لعيون سهاره  
وتحت الحنايا وحشهم بداره  
وين ما يحركها النسوم يرسُوا  
الياهَجع الهاجع يديرُوا غاره  
حائرات لشغاف لقلوب يمَسُوا  
أعصاف يحرقُوا لزهو الربيع خضاره  
كما لهوث النايير قبالي وسُوا  
ولحلام غابوا . وغابت القذاره  
لا الصبح صبحوا لا المسا يتمسوا  
ولا شيخ قاعد مشيخه في داره  
في خطر بيه الخاطرين يهسُوا  
ولا حتر بعد الحتر بقصت ناره  
عجب كيف على شط الوقيد تقسُوا  
وغابت على دبارها الدباره  
أبايق إن جيت اتلس ما ينسُوا  
بنا البل تتهدار بلا هداره

وتمشي لفحولہ في العقاب ينسوا  
أوهام خاطرات جديده  
اتجي كيف سيل الحادره عريده  
وكل يوم بينك والمراد اتريده  
وكل يوم بالثوب الجديد يكسوا  
يبات خاطرك جايب افكار بعيدہ  
التاليات خلوا لولات تنسوا  
وكل يوم تجريده ورا تجريده  
تجريد بيها الجارده ماحسوا  
ودار العدو في كل شور قعيده  
شواشيد دايرهم اعيون ييبسوا  
ميال يعدله اللى ماعليهش كيده  
ابرق لمل لاوضاع الوجيع يجسوا

\*\*\*

## إلى مبروكه

هست علينا أو هامكم هادوكه  
من العطف لا زقزاو يا مبروكه  
اليوم هسستهم  
على خاطري في البعد خطرتهم  
منين جار جور الجايرين عليهم  
وخلوا حوال حوالهم مشبوكه  
وللوطو والواطن هبط عاليهم  
وجوا كيف ما جاروا عليهم روكه  
ولحرار ظلم الظالمه غابهم  
وخشوا البحر لزرق بغير فلوكه  
كان تنشدوا يا غاليين عليهم  
لحسن تخلوا السالفه متروكه  
حالكم شاغلنا  
منين العدو للعاديات تعنى  
وخاب ظن من ظن الوفا في ظنه  
وكره المكاره بان طار استوكه  
دفين كرههم بين ظهر من كنه  
غرس في اجناب الوطن ماضي شوكه  
فكل ركن حوسه وكل شور مدنه

وكل يوم تستسرع عليه اشروكه  
وجار بالطنايب لا حفر لاوتى  
وزاد في حلاك الحالكات احلوكه  
عجب بان لانا منه لا هو منّا  
ظهر ما تخفى في سواد البوكه  
حرم يا عزيز النفس ما تتمنى  
لا بيت لا بيّات لا دربوكه  
ولا فرح سبع أيام داير رنه  
ولا كوت تمضع في الحديد احنوكه  
ولا سمر شاعر للمجاد تغنى  
على نار ولا عينها بالتوكه  
ولا بوجبيره وين يظهر فته  
ولا طبل لا طبال لا دربوكه  
ولا من يخضب في غيار الحنه  
في حلي با صنوف الذهب مسبوكه  
ولا من يخبخب بالحرير تغنى  
حاكوه في سوق الرباع الحوكه  
ولا أولاد سربه في الغلا تتجنى  
في عقد تتراغث يهز دبوكه  
ارجال واكده للظلم ما تتحنى

اجبال شامخة للترك وان اتروكه  
ولا ما ينوا الطيان يوم الرنة  
منين ضربهم بالحاميات دكوكه  
وليام نفو اللفو ما تستنى  
والدهر ما يثبت اتدور افلوكه  
وهالتا ودوار الفلك يئننى  
يداعوه شور الناصرين املوكه  
زي من رقد وناض وطنك لنا  
كل من يهونه ينكشف بنبوكه  
وتصبح مراقيب الصقوره جنّه  
ركايز بيوت الطاهمه مسموكه  
\*\*\*



## إلى ابني سيف

يا سيف عل هاكي لوهام انيبي  
اللى حايله بين المنام وبينى  
أوهام ايعزوا  
افجوج الرخا منين السنين يكزوا  
سند من يعزوا الوطن كان التزوا  
على الدهر ما تنهان للتممين  
غير فوت للقبله حفايف مزو  
تلقى الحمادة سمحت التوطين  
نوا ويرها بعد الليالي فزو  
اضحان زاهيه للعين بالتلوين  
وهالتاو ققدات الجمال ينزوا  
هيج اتهدر دايرات رطين  
اذواد من نشوق القلقلان اجزوا  
فتق نواويره زهي في الحين  
الحندقوق نشوقه  
هالتاو عطر والنسوم ايسوقه  
رقيتش اللوذ . ودرت شاهي فوقه

وبان الكرب . خلّيت عل ليميني  
والضان في نور لخضار دروقه  
متحينه تتفن بلا تحييني  
بنا البل في ذودك اتقول احقوقه  
عليهم اتخاف الحسد والتعيين  
وغدران في هاكه القرار نقوقه  
الشرقي عليها يسير بالتبين  
ولريل الياكان الغريم يتوقه  
يخش بر مسمّح رشاد وليني  
الياكان عمره واللاحق يسوقه  
يظل في مخالي اللاحقين عوين  
عزيز وطن مده ضايقات اخلوقه  
هانوه فوق الهون والتهويني  
هالتاو مزنه خافقات ابروقه  
ايجي سيل غليني على غليني  
وترجع من اللي غاصبين احقوقه  
ويا من عليه اللوم قول آميني

\*\*\*

## خيول النصر

باتت اقصاص الخيل للى يارا  
اليوم حول هنّ قايمات الغاره  
بان نواصي  
غر حجل نادوا بالبعيد القاصي  
ومن قبل اللهم يدبوا في العاصي  
السوق المغيم من قديم حضاره  
أيام ربهم تصعب على اللى حاصي  
مغاليل لخشوم العدو كساره  
اللى راجوهم  
ستين قمره باغيين ايجوهم  
اصقور حرب عل نار الجحيم رموهم  
وكل من امولع نار طفيو ناره  
وهرا بها قدامهم يلقوهم  
الخابين بدي تحت الوطي بداره  
شادات العنه  
غايرات ما فيهم اقلوب محنه  
عليهم ظراري في الكفر تجنى  
وكل ما شهى الكفار يخلوا داره

انصار دين ربي حايين السُّنة  
وهم قبل للدين الحنيف مناره  
جوا من شرقه  
أنصار ليبيا وانجوعها في الشرقه  
قدا سرت يبغيوا لاتقي لا درقه  
جوا نصرة اللى دمعها قطاره  
وهم دعم للى اقلوبهم منحرفه  
وكل من اغبر له دين يخلص ثاره  
يفوتوا سقم للهيشه  
وتميك يخلص تاركم يا عيشه  
نصير النصاره يلعبوا في مريشه  
ولا يفيدهم صحبة يهود الحاره  
ويشعف اللى طايش عواقب طيشه  
وتنظاف من طبرق اليالزواره  
راخيات اصرعهم  
من الشرق جوك امشتلات افرعهم  
الله في وطاته للعمار زرعهم  
وما عندهم في الغاليات اتجاره  
وجملة اسلاح الخصم ما يقدهم  
لن يُعرضوهم يا اجواد ايساره  
لن يعرضوهم سيقه

فراحه اتحضر في العليق عليه  
فراسين يفدوا وطنهم بحقيقه  
لن يمسحوا الخاين سوايا عاره  
ومن دار في نسل الهجين الثقه  
يفقد من الوطن العزيز اخياره  
لن يعرضوا ويهنوا  
بعد ما ينالوا الكل ما يتمنوا  
لقصاص خيل الغايرات ايحنا  
من عقدهم لا حد دار مداره  
طرابه عليه الغانيات يغنوا  
ومن غات لا طبرق ايجوه انصاره  
يشيد تناهم  
اللى الوطن مايارا عمار بلاهم  
اللى ما يسرر سابقه يالاهم  
ويدير في المخزن ميات عماره  
ومن بدر للكفره فزعهم جاهم  
لا يفخروا يوم الفخار اصغاره  
اللى ما يضم عليهم  
امسرر اعماهم من بعيد يجبهم  
ولا يحفروا لقبورهم حفاره  
والما يشارك في كسر عاديههم  
لا يندكر لا تشيد له خباره  
\*\*\*

## إلى الابن عبد الباري

خطر علي الوضع عبد الباري  
اللى عزاز عندي كيف عز اصغاري  
تكدر مع تكديري  
وشقه مصير الوضع كيف مصيري  
حر لصل تكديره سبب تكديري  
الحر حر يبقى عل قفاه يداري  
وقفت فحلها فغاية التحيري  
اقصاف الفعايل وفقوه اجباري  
ولا من احذاه يرد شرع امهيري  
ويرغت بناره عل رباع احماري  
وراه عقد غييري ورا غييري  
وترجع لسابق حجمها جماري  
ولا الشرع يبقى شرع تنديري  
وتزغت في سوق الرباع اتماري  
اللى كان ما كانش يكون قميري  
يعود ليظ ويعود الذهب معياري  
وغتري يا عز لعزاز غديري  
وحال وطننا زايد غتار غتاري

\*\*\*

علي خطّهم  
هدل المشافر والعدو غادرهم  
لا عقد حامي النار جي قاطرهم  
يرغث بتار اعزاز من لعتارى  
ولا من حشد لنظار عل خاطرهم  
امصم على الثار المغيب جارى  
يعيد بيّتهم بعد انكسر جابرهم  
وتصفى المراتع ظاهري واجفاري  
بعصف العواصف ينكسر كلسرهم  
اتطيب درخته ويتلاقموه مذاري  
يظل في لواجي بيرهم حادرهم  
هنيات منجيات من لخطاري  
يرد السعيّ الغابره قاطرهم  
من الحاج موسى . وحاج بوزكاري  
ويتندموا هلى قصير نظرهم  
يطير النداء ويظهر مسار الساري  
ادموعك اعزاز غوالي  
للاخره ما ينتسوا من بالي  
وراس راس راسك يا عزيز الغالي

مهاميد نرجوا في حراك الواري  
ولا يقعدوا احرار لبلاد جوالي  
ولا نهون حومة ليبيا للشاري  
تعود الصقوره للمكان العالي  
ولخراب ترجع ذالات احباري  
ووالله ما يشغل اضياع حلالي  
كما يشغل الفارس نبيح الضاري  
أنا ما شغلني فوت فوت اشغالي  
ودار ولهم بالفارغات مخالي  
وخيان راكبهم ادعا جباري  
ولا يدوم لاهب النسوم اجبالي  
تو يقشعه قنزاع من لبحاري  
اتظل في قرون الغايرات اتشالي  
امعاك شارحه تزحف بلا توخاري  
سرايا كما الزرب القديم البالي  
اتعّدم وهي خطر من لخطار  
وفوق السرايا والمقام العالي  
تنصب عليها راية التحرار  
جناح نسر يخفق في نهار اموالي  
حام عل جليبه في قفا لنقار  
غشم النحييه دمها شتوالي



لجبت عاقله لاذت على لشجار  
وهو عليها بمخلبه متكالي  
عجول ينتفض في الرقي والمحدار  
يخفق جناحه كان جاها مالي  
تروغ منه ويولي بلا تصبار  
كماد لوخاته الحبل يتهيلي  
والا كما قباض في لميار  
وهكاك جبت المثل من لمثالي  
على نصر يجلي الهم من لنظار  
وخطرت لي خاطر شغل لي بالي  
وجاب سيرته وقفه فحل ابكاري  
قريب نبهتوه افوين يبدا فالي  
على ظهر ما يهاب السرير جراري  
وراس راس عمك نوم ما يحلالي  
أن كان ما طففت نار السمايت ناري

\*\*\*

## حاجة المحتاج

لفت قسويا صالح قداك الحاجة  
اليوم وقت في رد الخبر نتفاجه  
لاحت قداك كريمه  
للخير بريمه ورا بريمه  
ووتيت للها سرج فوق القيمه  
ابقمرات فوق ابدودها وهاجه  
والدير بالفضه عجب تكسيمه  
واخدودفوق اخدودها لعاجه  
وحذوات جوا تحت القديم قديمه  
مضمون ضامنها غلب عالاجه  
اللى قادها قايد اعماه غنيمه  
نهار كالات الخيل في مدهاجه  
قصيرة ثلاثة ما عليها سيمه  
طويلة ثلاثة زهوه اللى هاجه  
وللها صمايل من عناق الريمه  
اتجيب الفرج بالبشر للى راجه  
وتشره مع الشرقي على تنسيمه  
اتظل في الصريمه الكالحه غماجه  
وتمرق اليا نق لمسمس غيمه

اتشقى العدو الزاحف اتقول عجابه  
سليمة وكايس راحله ومقيمه  
لا هي رقيقه عود لا وجواجه  
وللها ثنيه في المراح الديمه  
غزير ضرعها تملا القدح قجابه  
خدام ما ينقص عليها قيمه  
عشا زم من مخزن شعير اخواجه  
مع سيد رازن وليد ين سقيمه  
اليا غار ما يتومج مع التوماجه  
كريم لصل لا شبر ايعوق خصيمه  
ايعدى على المتكولفه كا فاجه  
انقص الوطي قصت محاور سيمه  
ولا يمسه بركاب لا كر باجه  
والا كما منشار فيد سقيمه  
تلفى بشاير خير للى راجه  
وحافر كما الصوان في تصميمه  
مدق قهوجي بالهيل في مهباجه  
غث زعفرانه فوق ثالث جيمه  
وحط صفرتيه بعد أن غلى بكراجه  
وحجلات حفزوا فوق مالتغيمه

صوارات خادم بيدها نوباجه  
وخرطوم جي نازل اتقول تميمه  
للخير حين اقدومها ديباجه  
لا كهبت قبلة اشراع الخيمة  
للشر على شبح النظر هجاجة  
سبيب معرفتها يعجب التكميمه  
جريد نشع في غابة نخيل دراجه  
كما ذهبه الوزان للها قيمه  
يشوف لونها ويسكر الشكماج  
اللى يحوزها ما تلحقه تهريمه  
قطع بر غاطيه السراب امواجه  
وربدات منواهم على تصميمه  
سرير يقطعوا عند الجفول حجاجه  
ومنى تحمل يا رفيق ظليمه  
لا تحطها في سوق لا حاراجه  
ومبروك باللى اتقول فوق القيمه  
الشاره ابكاره يهونهم وانعاجه  
اتظل رتعتك للخير ديمه ديمه  
ولك يوم تحتاج الفرج فرّاجه  
وراس من اتعزه ما تكون حريمه  
رمي فالها التقاز والبراجه

اتهنونه ومصعب عليك اتهنونه  
عزيز وطن يارا في الصغى بعيونه  
كان مكانه  
عزيز فوق ماعزا لعزيز اركاناه  
اليوم بين مغموغ الصغى والهانه  
لا من يدافع من وراه ودونه  
وقعدوا خوالي من العزاز ادمانه  
والنار ماتت وانطفى كانونه  
بدى ملعبه للعابثين مكانه  
ولا عاد قعدت ترعته مصيونه  
وبيه طايحه قطعة اقلال اديانه  
اذياب سعى طاحوا في الخلا غيدونه  
افكلس التمني طيحوا ذبانه  
وكيف ما يريد الشامته خلونه  
شي صار واعر في الحشا كميانه  
ولا يتكي الشايب على مضمونه  
ضيعوه أولاده

اللى مرمدوا صفحة بياض جهاده  
كانوا كما كان لعباد سعاده  
كلوا الذواقه وكسروا ماعونه  
وسدولهم للطامعين مساده  
في سل نيرة خيطها مرهونه  
الشتر كيف مسمار الجرب يتماده  
إن كان ما يخلوا رقعته مزبونه  
ولفعال علي عاجزين مكاده  
الغالب يمشي فوقهم قانونه  
سبق قول تحليل الجراد جراحه  
ولا تعير الققه سعف ميدونه  
عدو دار ملكه الزاد والزواده  
والنفط ولى بصوردي قالونه  
وفي اعيون من تنظر يذر ارماده  
على الشور تبقى الحاركة مركونه  
كبار الجماجم يشربوها صاده  
وكل يوم للحنظل يديروا مونه

\*\*\*

## فراق لا لقاء بعده

إلى الرفيق الذي اختار طريق خيانه ....

أنا اخترت . وأنت اخترت . ونفارقنا  
طريق فارقه وانسى زمان رفقتنا  
أنا اخترت الخيره  
وما نبذل الوطن العزيز بغيره  
ووين العدو نافخ أبواق نفيهره  
وقفنا راوسي شم ما درقنا  
أنت نظرتك تحت لكراع قصيره  
وسوك مع سو العدو لاحقتنا  
وأنت كما الحداد نافخ كيره  
ريدك بشين الرايحات صفقتنا  
أنا اخترت انجاهد  
على وطن وانرد الصهيد الصاهد  
عزيز حر في دنيا الخناعه زاهد  
وشور المكارم حد ما يسبقنا  
امثالك مع صف العدو تتلاهد  
غصباً عليهم بالحراب نتقنا  
نصبنا لخيان لبلاد مشاهد

منين طاح في ميم لعيون عرقنا  
أنا اخترت الفخره  
صامد على وطني صمود الصخره  
وكيف ما بغانا الوطن نبقوا ذخره  
لن نار بارود الرصاص حرقنا  
وانت بقيت مع تريس الصُّخره  
اتبيع عرض عرضك في نهار شرقنا  
اللى بالعدو زاهر اتعود الزخره  
عليه بالندم ويعوقه عايقتنا

\*\*\*

ماك رديعه  
وطنك اللى ساهمت في تضييعه  
وللغير بالرخص الرخيص اتبيعه  
باب من قدا اللى خاينين غلقنا  
وهالتاو يرجع كيف كان ربيعه  
وبيناثنا نقطع اخيوط نشقتنا  
وانت عدوك اللى خدمته طيحه  
ضاع عرف عرفك كل ما لفقتنا

\*\*\*



## يا عيد

يا عيد يلعن بوك ياما قلّه  
عيد ماك عيد وليبيا محتلّه  
ماك اهوايه  
ولانك اتجي كلسر كسير الغايه  
الحُرّات في عرض لبلاد هتايا  
إن كان يرحموهم خارجين المله  
واصغارهم فوق العتب غفايا  
في وطن مشغشذب كثير علّله  
وشدوا على المعطن اخباث نوايا  
نزع ما قعد بين اللواجي بلّه  
وفي وطنهم قعدوا لعزاز ظمايا  
اللى كان في سوق الغلا يتغلّى  
مغافيل خانوهم اقرب ادمايا  
وكم عفن عل تبين الحويه ولى  
يا عيد كانك عيد خوذ اوصايا  
لا تعود قبل الفجر ما يجلى  
معاد تنفع لومه

ولا عاد تنفع نادمين اهرومه  
إن كان موش حزمة شعبكم ملمومه  
وعقد العقادي الصاعبات انخله  
تقعد رعية طرابلس مهمومه  
يبّرد ضني شمعون فيها غلة  
وترجع كما كانت عدايم روما  
وهاكه الجهاد الحر راح اكله  
لوما يهب النصر ريح نسومه  
اتجي فازعه من غات لا ورفله  
من الويغ والقطرون تهجم قومه  
ومن قصر جالو البومبا لا زله  
وهاكه الجبل لخضر اتفز اخشومه  
وحيز الشطيّط أكل ما يتخلى  
ويجلو على الوطن العزيز اهمومه  
ولا يدول بعد الدول بوپرطله  
وتفراج على أنفوسها مردومه  
ومادام نمشوا وروسنا مقيومه  
حيين ما نرضوا حياة الذله  
انشيدوا صروح الوطن غالي سومه  
وانعيدوا يا عيدنا في ظله

## إلى أخي نصر بسكري العبيدي

يا نصر قبل الكسر نبهناكم  
وغابوا الجياير يوم خاطبناكم  
قبل ما ننجرحوا  
ومن قبل تحدث اطرؤحهم ننظرحوا  
عيينا بصلح يلما ننقترحوا  
وكم من مسيرة دايرين قداكم  
وتعنيتكم بيه الشمايت فرحوا  
وما بينا خلوا بعيد جباكم  
ويا نصر كان أوراقتنا ينشرحوا  
احنا ما نقص في الناقصات غلاك  
وصافي حليب الدر ما ننذرحوا  
وكم ما جرينا باغيين ارضاكم  
ويا نصر خلّيتوا المكاره فرحوا  
بكوا صغارنا من القصف قبل ابكاكم  
انسانا شتايت في الصحاري قرحوا  
عدو وطن كسر له رواسي صرحوا  
عليه نار خش اترابنا لولاكم

\*\*\*

احنا حلسين ابدانا  
امينكم اتشوفوا جاريات امانا  
احنا ما نخلوا وطننا للهانا  
ويا نصر هُنا الروح ما هُناكم  
انتم ما تعيشوا ساعدين بلانا  
وما عندنا مخطر سعيد بلاكُم  
غم كدر يا نصر العزيز كسانا  
وهالتا حسيته كيف كساكم  
مشينا شتايت والعدو خلاّنا  
وانتم على ابساط الخلا خلاّكم  
وخلى مكارم نلسنا موهانا  
كفاكم ثنايا الذاهبات كفاكم  
وماتوا بلا مورب صلاح ضنانا  
والموت يحصد كل يوم ضناكم  
الله ان يلايم غزلنا يتقانا  
ولا يغلب النيار في مسداكم  
شدوا اوسار الواسرين اعمانا  
ولا يصلح الوطن العزيز بلاكُم  
بلا نصر ما بيرد غليل ظمانا  
ويا نصر للنصر العزيز ظماكم

\*\*\*

شن وصلنا  
يا نصر في اللي تشبجه حصلنا  
قصيل زرعنا الخيل العدو قصلنا  
وفرّق مبادينا على مبادكم  
ومن ناسنا وأوطانا نصلنا  
ما ينتسي من البال طول مداكم  
منين مزقوا الجهال ما فصلنا  
وزاد قطعوا منكم حميل اعراكم  
الله للثنايا الجاده يوصلنا  
ويوضح لعقالك طريق غباكم

\*\*\*

## رد على رد

أرسل لي أحد شيوخ الوطن أبياتاً يرد فيها على قصيدة

أهنش من رقب قنة جبل طرميسه  
وبانت اعروق الحوض وحماريسه  
وقد تم نشرها في الصفحة .  
يقول لي من ضمن أبياته .  
فيه من رقب وولّى  
جي ع الشقاق وعل سواني كله  
الحوض انصدم ما فيه حتى بله  
غير المنحس نسمعوا في عطيسه  
وفيه سوف يحكم كان شيخ محله  
مشي راح خلي للكلاب فريسّه  
وأبيات أخرى ينصح فيها منها قوله  
«وما تخش وسط البحر لين اتقيسه»

## رد على رد

الشيخ دز متخير كلام ايحير  
كيف عادته يخلي الرشاد امجير  
شكى من جوره  
صدمت مناهل ناهله مشهوره  
وغيبت على الوطن العزيز اصقوره  
كانوا عليه احصون صور امصير  
بدت في الجبل والزاويه (ديبورا)  
تسدي عليهم سدوها واتير  
وخذت خواطر شيخنا مكسوره  
لا من على اللي باكيات ايدير  
الحوض والشقايق موكره واوكوره  
في ترابها المشامته تتخير  
بدت بعد زهوتها مطب للكوره  
واهل المطامير لكبار اتمير  
وصار كل باعوره ولد باعوره  
على اوهام كانوا حاميات يسير  
ويركز على خشم الذراع وقوه  
البيدوك فوق الشامخات يطير

انفضدت سراير كامنه مستوره  
وما نشرحوا يا شيخ ماك اصغير  
قبل انغيسوا  
ما زال من خوف الغريق انقيسوا  
وعابيين باللى خان وسباييسوا  
بدى البرق في اخشوم لمزان يشير  
ثعابين بن عيسى قريب يعيسو  
اللى سمهم ما فيه ما يتخير  
واللى على اللى طايسين يطيسوا  
عليهم بكلاّب الضوا من زير  
اينال بغيته اللى قاعدين تريسوا  
ووين ينتوي الشور البعيد يتير  
ويرجع عمار الحوض من تدنيسو  
ولفلاك يا شيخ العرب تتغير  
ومن خان يتقطع وريس وريسو  
ويرجع اللى يكيّر زمان يكيّر  
حيرتني بكلامك  
وغيرتني بذكرك أو هام أو هامك  
حشف كان كيف التبن تحت اقدامك  
وانت على العالي ذهب متغير  
واليوم نلسي ترعته قدامك



اللى كان باير بورة المتبّير  
ويا شيخ راهوا ظامنا ما ظامك  
عدو ظن عل طول الزمان امظير  
يعود الرجا ويجلي دكوك ظلامك  
يتوق فجر يمحي الفاجرين امنير  
ولا ترق ضمن الراقين عزامك  
ولا تحركك لرياح وين اتتير  
قريب يبهتوك الرافعين مقامك  
اخفاف نصرة الميظوم والمتحير  
وتبدا علام الناصرين علامك  
جناح نسر يخفق بالنسوم امسير  
ونبعث سلامك يا عزيز سلامك  
من قلب كيف الصخر ما يتغير

\*\*\*

## وصايا

إِيَّاكَ تَمَنِّ الدَّهْرَ وَإِيَّاكَ	لِيَّامٍ تَطْمَئِنُّ لَهَا
اتَّدُورُ كَيْفَ دُورَانِ لِفَلَاحِ	وَتَبْرُمُ عَلَى كُلِّ جِلْهَا
أَوْقَاتٍ لِلْخَيْرِ تَرْضَاكَ	رَوَاضِي اتَّعَدَّلَ عَدْلُهَا
وَأَوْقَاتٍ بِالشَّرِّ تَبْلَاكَ	تَكْسَرُ خَوَابِي أَقْلُهَا
وَاصْبِرْ عَلَى هَوْلٍ لِدِرَاكِ	وَلِيَّامٍ لَا تَرْكُنْ لَهَا
وَالدَّهْرَ عَلَى كَيْفِ مَا جَاكَ	تَحْمِلُ غَوَاشِي ذَمِّهَا
أَوْقَاتٍ عَلَى سَرَجٍ تَلْقَاكَ	عَلَى سَابِقَةِ انْتِشَاحِهَا
وَأَوْقَاتٍ لِيَّامٍ تَارَاكَ	عَلَى الْمُرْدِفَةِ فِي كَفْلِهَا
وَأَوْقَاتٍ مِ الْبَعْدِ يَاتَاكَ	حَصَايِدِ الْغَيْرِ أَحْلَاهَا
وَاصْبِرِ الْيَأْسَ عَلَى دَاكِ	لَا تُكْتَ وَارْفَعِ أَثْقَلَهَا
تَفَرِّحْ عِدَاوَاكَ شُكْوَاكَ	سُكْرِ عَلَيْهِمْ أَقْلُهَا
وَلِيَّامٍ بِيضًا وَتَحْلَاكَ	وَعَدْلِهِ وَمَا يَلِ عَدْلُهَا

## إلى الشيخ ابن زعيمه

يا بن زعيمه نولنا متراجل	اغثم خلبصوله نيرته بالعاجل
بعـدما سـدّينا	وخيط المسدّي بالعجل جارينا
المسده ظهر ما هو سقيم القينا	ولا سقمه فينا مرا لا راجل
ومن خرّبه ما زال كلسر عينا	ناويه من مدّه عليه وحاجل
وكل ما بنينا راح في ترّينا	ولا هناك في وجوه المحلد خاجل
ويا شيخ ولّى كل كول ودينا	ولا حد للدين الصحيح امباجل
ولثراه كل واحد ظهر من طينا	ولا منو بالحق الحقيق يواجل
مغاصيب للوطن العزيز جفينا	جفى بوجلاجل ما عليه جلاجل
اسنين عل خراب الخاريات الهينا	كنّك طراش السامعين اتناجل
ما في الخواطر يا قريني نينا	ولا في سجل الساجلين اتساجل
زمان قهر تجرّع مرارا لكينا	تعدّيه بدراه الدراه فناجل

## الخيانة المكروهه

اعزاز قبل ما هانوا علينا هانوا  
بعد كيف (مونو) في عربهم خاتوا (١)  
الزمنان ايجباري  
واللي تغطي بالليالي عاري  
اللى خان وطنه كيف ليه يداري  
خابت مع اللى خايين اظنانوا  
بدو للعدو والعاديين مكاري  
اللى قبلهم خيان هانا كانوا  
اللى بالرسن اموجهين اجباري  
في اغزولهم لينا زمان اتقاناوا

---

(١) مونو : هو كلب كان لأحد المواطنين . فنزلت بالقرب من أهله سرية  
إيطالية . فذهب لها الكلب . وأصبح منهم . ويهاجم كل عربي .

يعود خربهم بعد النقش احباري

وكيف الحلافي نفتلهم يليانوا

\*\*\*

كانوا منّا

وكانوا رفاقه في الطريق وكنا

وين غار ع الموكر اقلال محنه

طّماع بفلوس الطماع ابدانوا

وظهروا على الظاهر اكلاب مدّنه

والغين في دم لعزاز اسمانوا

الخابين يطول الوقت ما يتهنّى  
ض

ويتقطّعوا للراسنين ارسانوا

وترجع نظيفه من الدراه ادمنا  
وغصباً على اللي كارهه يزيانوا  
مسـهل عليه الخونه  
عديم لصل متربّع افدار الهونه  
يجيه يوم ما يرفع فوق اعيونه  
يسوّد الله وجوههم يدكانوا

\*\*\*

## امزان الخريف تعلوا

الصيف صاف وامزان الخريف تعلوا  
فيها الطمع كان الغدير بخلوا  
امزان الخريف ايتوقوا  
ولرياح فيها من البعيد يسوقوا  
زعم كيف قلنا الشافقين يروقوا  
يعودوا على شور الذهاب يولوا  
والا كما ذاق المصيف يذوقوا  
أوهام عز من هول الجدائب ملوا  
امزان الخريف نظرهم  
زعم باي ريح من الرياح مطرهم  
أما كيف سابقهم بجو خطرهم  
اعماهم أوراق النابتات ايقلوا  
والا تفاظوا ما قطر قاطرهم  
ولا الكالحات من الفجوج يبلوا  
وليام بيدين الملك نايرهم  
عليه سهل ببيان الفرج ينحلوا  
تعود زاهيه للزاهيين قمرهم  
وتقعد خبايير الجذب ينعلوا

## الحمادة الحمراء

إلى ابني رحومه المبروك الغدي الذي أبلغني  
بالأمس أن الحمادة الحمراء غاتها الغيث . وهو  
ذاهب لريادتها وقد كنت في مثل هذه الحالة أسبق  
الجميع إليها . وأقضي أياماً في التجوال بها . فإليه  
وهو من عشاق الصحراء أهدي هذه التوصيات .

قبل السفر يا رحومه انوصيك  
وراس بوك يا بوي تسمع وصاتي  
راهي النثايا المجدات تهديك  
وأخطي المسارب اللى مذهبات  
واختار دار المنازل علاويك  
الوديان ما تديرها للمبات  
وياك سدر القرارات يغريك  
راهي المحاذير في سيل ياتي  
وسيلاس لاجيت للعطو يرميك  
(القرة) قراراتها والقلاتي  
وكانت بلا غير منه زهاتي  
مرباعها للكحيله مساميك  
قوارب على الهايضه واسقات  
اتنور كيف نوران ملف الدكاديك  
ولا كما فوة الصابغات



فحلها اللى ما تشده التواريك  
اليازريك الناب للواميات  
ولريل اليا اسمع صوت المحاريك  
إيلاجي قدي روسها العاليات  
ولو منه طيحت تسلّم اياديك  
وجدك اللى يقدع الغايرات  
وشب نار في علو موكر مهاديك  
همّ غلا اسنينها النايخات  
الذاهب على الكن تهديه ياتيك  
ونار الكرم دالّه الذاهبات  
وعمك إن كانك ذكرته يغليّك  
رفيق حشرهم في الزمان المواتي  
وكان جيت لي درج بالله نبغيك  
تسلّم على قايد الراحلات  
صنبير لا طق روس المداميك  
يلقى المزاعيم كل شيء واتي  
وقبل ايلايك لوذ الهناكيك  
اليافتت لا وال خيرا المشاتي  
واللوذ شور الحمادات يرميك  
اللى قبل ما يخشها من إيواتي

يسارك على أم الرواحل اتجيك  
ويبقى الكرب في ليمين المواتي  
يقابلوك لافتت هوكا البراريك  
ملن ايجي امواجهك في السماتي  
وعمك اعمار القرارات هاذيك  
واقف على اعمار وطني ابذاتي  
اذا جرمني جاك لاقاك ينبيك  
على ايامنا الزاهيه الماضيات  
اخبار القرارات بالخير تعليق  
اسنين عز فيها مضت من حياتي  
مضيف ضيف عند الليالي المحاليك  
وحامي حمى ترعة الخايفات  
وارقب افروس الحشاريف توريك  
اخراب طاقه الدور والعيهقات  
اسراب القطا الفجر تكسي علاويك  
اتناغى على أسراوها الجيدات  
ولريل ولا شك ثمة يلاقيك  
أوهام غاثها الجود بالغيث ثميك  
تزهي النظر باختلاف النبات  
خمايل بنوار في الحزن تنسيك  
اتجلى على القلب للكادرات

وتم تكبر النار ويفوح شاهيك  
وحط كلس عمك مع الماليات  
الله من امفاجات لسواو ينجيك  
أيام وطننا يرجعوا زاهيات  
وما تفرح العين والوطن (باليك)  
امبعثر وبه تفرح الشامتات  
\*\*\*

## الجوش

إلى تلك القرى الجميلة . ومواقع  
الصبا . وأوهام الوطن . أهدي هذه  
القصيدة ..

الجوش . والجويش . وبدر . وامواهيمه  
ما ينتسي من البال ديمه ديمه  
الجوش . والجويش . وتيجي  
وسروس وواده سمح للتفريجي  
ايحي منحدر ع الراس بالتعجيجي  
طوفان تتكاثع عجايح غيمه  
والفيض زهو العين في التلويحي  
اليافاض سيله من نعيم نعيمه  
وزيد بالنخال اخيار بالتحريجي  
منين فيه تتخيسف اسماح السيمه  
نشوق قحوانه السمح بالتفليجي  
ونور الشقاره يفوح فيه نسيمه  
بين الهاللي . تعيش والتخفيجي (١)  
لك من عوايد سابقات قديمه  
الجوش . والجويش . وغادي

(١) الهاللي : هو أبو زيد الهاللي . والتخفيجي : هو الخفاجي عامر .

وعين الجديدة والسطح والوادي  
وظهرة وجيعه تبان من لبعادي  
ولزليم راهو يقابلك لزليمه  
عليه من رقب وقت التسوم الهادي  
يسمع ضجيج الحثر وايغانيمه  
الياربعت تشبح ارقوم مسادي  
السلس امخائق للرتم تنظيمه  
تركناه ترك الوقت موش امقادي  
منين غار عل وطن لعزاز غريمه  
اذياب غايره جاته على لجهادي  
وزاد عاونوا الغاير اقلال القيمه  
هالتاو هاذوك لوهام اتنادي  
انجوها كما جيّت غريم غريمه  
علايل عليهم واخذين البادي  
جراد نشر جابه من البعيد زميمه  
أوكار صفقوا بجيّت اصيود عوادي  
يردوا على الوطن العزيز القيمه  
الجوش والجويش ونسه  
جوا وين ماشمس الضحى تتملسي  
اعزاز نفس عز الجارهم ونسه

ما يحملوا للى تكولف ضيمه  
انجوع للكرم ما هم من الفكنسه  
ولا جارهم تجري عليه ظليمه  
ولا هم الياتاقوا الضيوف عبله  
اكرام يحسبوا جية الضيف غنيمه  
وكم صقر يرمي الصاقرات محلسه  
ما تروح منه الصيدات سليمه  
ولي قلب فرقتهم وجاها هلسه  
بدي بين بين البين والتخميه  
اللى واجعه وطن الملايح داسه  
عواهير ما تعرف مقام القيمه  
اللى كان رابط بلخيوط امداسه  
اليوم دار مكسوب لحرار غنيمه  
وهالتاو يلقي قسو بايع راسه  
وما ينفع الخاين على التهريمه  
سياسة . وقوة . وعنترة وحملسه  
ومن جد جده للبلاء شريمه  
وسيات طول العمر ما تتنسي  
دم ناديه ودمعة الشيخ زعيمه

\*\*\*

## هموم البعد

يهون بعدنا والغاليين بعايد  
وغير جفوههم زاد الهموم بزاي  
يهون بعدنا والغربه  
ومن كان في دربك تباعد دربه  
ويهون لا كاذك عطيت الهربه  
غير بلش يبقوا هاتيين سعايد  
طريق جايه منهم اتحول زربه  
وهم براها حافرين مصايد  
يهون جفاهم  
اللى قبل ما تصفى لخلق بلاهم  
احنا شاقيين وباغيين هناهم  
وهم نزلونا بالحميل الباي  
علينا نقيق الشامتين قساهم  
اللى وين غبنا دايرين وعاي  
ما هُنا هم  
ولا بغاليات السوم بدلناهم  
هم بلا مورب انهال جفاهم

وخلّوا نوارين لقلوب رمايد  
انعيشوا كما كنا زمان بلاهم  
ومادام من راد الخلايق رايد  
\*\*\*

يا مصعبها  
السيات عند البعض يا مقربها  
كسات مر الحنظلي تشربها  
وترمي على غزر القلوب نضايد  
ولا اهموم في الغارب يغيث نشبها  
وكل يوم قدّامك اتدير بنايد  
\*\*\*

خَلِّي خَلِّي  
هالتاو من فات لحجاف يوَلِّي  
اللى في ثناهم كل يوم اتعلي  
وهم على الشور السقيم عنايد  
وعوراتهم بعد الغباش اتجَلِّي  
يعودوا لصردهم يغسلوا بالتايد  
\*\*\*



## الفرج آت

ما بين رمش العين والتحكيره  
يخش الفرّج بين السدي والنيره  
ما بين رمش الرامش  
وتحكيرته يضوي لمش اللامش  
يوسّع على الهامش همّاش الهامش  
يبدل ضياق الضيقات بغيره  
ويغني لمطمّش على طمّاش الطامش  
ويصبح يحرك والزمان نصيره  
والدّهر بامر القدر ما يلتامش  
القادر اللى امّقدر قداير خيريه  
الفرجات موش بعیده  
ما بين شوف العين والتهميده  
تفراج م اللى ما عليهش كيده  
وتصبح أيام الطاغيات قصيره  
من جور جور الجايرات يجيره  
اشوار شيرته مطّارحاته عديده  
عجولات وتقسّي على التبكيره

\*\*\*

لا يشغلك تصريفه  
زمان ماتظنه يشتغل عل كيفه  
وليام كيف القاصفات قصيفه  
سريعات بين الرقي والتحديره  
أوقات يعجلوا عودك على تجفيفه  
وأوقات يابسهم يفز نثيره  
ينور بنوار الغفي في صيفه  
يجيه مزن يتفاهق نظيف غديره  
\*\*\*

ما تدير منها داير  
الدنيا غروره كيف خيل الغاير  
لا تقول هذا موش مور الماير  
وما تقول دهماتك بغير نذيره  
أوقات تجبر الجابر بغير جباير  
وأوقات ما تنفع معاه جبيره  
يحل حال بين الحافه والناير  
يدير دير بيدك ما قدرت اتديره  
\*\*\*

## السهر

لي جفن ما بلش المنام يلوجه  
من وطن خطفاته ثنيه عوجه  
ما بلش المنام يصيده  
جفي العقل نوم النوم والتوسيده  
اديار موكره ولت اديار بعيده  
والوطن روجه قافيتها روجه  
وكل يوم تصيح لك أخبار جديده  
كيف البحر موجه وراها موجه  
جرايد اخبار اتجيك في التهجيره  
تسدر على العاقل اوساع انهوجه  
الغافل بلا مورب يموت جبیده  
ويهرب وما يموتش قتيل اعلوجه  
جفاه منامه  
وبادت ثنایا الموحشة قدامه  
طرابلس فخار افخارنا موزامه  
وكيف الغريبة افوطنها ممروجه  
والوطن غابوا شادين احزامه  
اللى يديروا يرزوا نهار الحوجه

ولذئاب ولُّوا ولمعادي لامة  
افكل منقصه بأفعالهم مدروجه  
ولحرار هاهي افوطنها معدامه  
صابرين يرجوا في الفرج وافروجه  
والقحف ولّى هالزمان أيامه  
على كل عالي مزدهي فروجه  
قريب تنفجر فيهم ميات عدامه  
عليهم اتحرم وطنا وولوجه  
وكل من عطانا شبر ياخذ قامه  
حان قطنهم موسر نهارا احلوجه

\*\*\*

## طلح الوطن

هالطلح خطر طلح في اماكيره

رقاب بي واديوار العرب والديره

طلح أو هـامـي

غريب دار في الصورة ظهر  
قدامي

اظيوف جوه راميهـم عليه روامي

خابرين للضامي جوابي بيره

اللى كان كنى في النهار الحامي

اظلاله دوامس في الزمان الخيره

عليه من بعيدات البعايد رامي

اسهابه حوافل نبت بنواوره

أفكل ركن تتراجع اسقاط الدامي  
من نارنا كان الكريم يجيره  
ولرفاق هم السامكين اخيامي  
وبرادهم يغلي على التجميره  
أوهام حبها أفكن الضماير كامي  
ما دمت فيها ما تضيق حظيره

\*\*\*

## ذكريات

رأيت في صفحة أحمد رحومه الرياحي  
مجموعة من الصور ذكرتني بالبادية  
وبالصحراء بالإبل . إحدى الصور لإبل متجه  
للمرعى يتبعها فحلها أوحى لي بهذه القصيدة  
مع تحياتي لأحمد ولكل قبيله رياح .

دارت مسارب في السرير الحافي  
اللى وين ما تخطر يزيد اريافي  
نوت مرعاها  
في اسهاب فيها القلقان غطاها  
ومتوحشة ترجب على مرباها  
نوار وديان الهروج العافي  
وضامر من المعصار شد قفاها  
يكريط أنياه اتقول روس مشافي  
ورود ارياحي قبلها مفلاها  
على ظهر مدوب لخزامه وافي  
اشعاب فوق من واد لحصان نواها  
بين قور في لون لقدور مكافي  
يجفل نحايب ريم كانا جاها  
من الخوف تشاوف على لشراف

ثابت على النيشان وين رماها  
اتخذب القوره بالنجيع الدافي  
اجراح بن رحومه فخاطري حاياها  
من فرقها في الحائيات مرافي  
هي فوق من زله البعيده ماها  
وانا وين جاموس لفلوح اصيافي  
وهي غراغيز الجلود ادلاها  
فوق من مناهل في سرير افيافي  
وانا وين قاهرة المعز بناها  
ولزهر اللي قبلي بنوه اسلافي  
وهي واخذه افعرض السرير مداها  
وهالتاو للغربي الشديد مقافي  
وانا القلب بخفق من بعيد اعماها  
يرتاح لا كانا عليها لافي  
بعيد دار على وطنه بعيد غلاها  
بلا موطنك كل البرور منافي

\*\*\*



## سهيل تاق

اسهيل تاق عل راس لحجاف القبلي  
وهو قبل ما يتوق الحماده قبلي  
فوق الحفه  
امفارق انجومه للربيع تقفه  
وهو قبل لاتاق العفي يتغفى  
قرارات تبدا بنورها مختبلى  
ولذواد ضفه في قفاها ضفه  
من عو وين اجدود عون الشبلى  
للناصره . والرمل وين تكفي  
المرماز لسيوح الكرب ترقب لي  
أوهام وطن شعلت نار ما تطفى  
وما كنت ندرى للعدو ينصب لي  
مورس ربيع الوطن نوره صفه  
وخيرة اخيوره الخايرات نهب لي  
أنا وياك كنا يا هميل الدفه  
اليوم ما تعبت لك ولا تتعب لي  
كان يجينا  
غرة ربيع الزاهيين زهينا

في وطن بيه اتفاخروا عاديننا  
ويوصل ولو طالوا المناهل حبلى  
اليوم على نحيب الناحبات بطينا  
زمان عفن بقعور الرزام كتب لي  
زرعنا الحبق فنفن ظهر غفينا  
عدوا الدار شرّك لي صفيحة طبلي  
وغير يرضي في الكوافر دينا  
وكل يوم يجلي صورته بالبلبي  
والوطن من وازن اليا جردينا  
قال ريت فرسان العرب تغضب لي  
وكل ما بنينا راح في ترينا  
عدو دين تحت الطاوله يلعب لي  
زمان فخر عل اللى عاصيين عصينا  
واليوم ع الوتر الضعيف ضرب لي  
وراسك وراس الغاليين علينا  
ايجيك فجر تاخذ حصتك بالدبلي  
اللى ما تطوله في البعيد ايدينا  
ترميه في المقتل نبايل نبلى

\*\*\*

## الصور التي هيجت الأفكار

أرسل لي أحد الأصدقاء صوراً للوطن .  
أثارت في نفسي ذكريات وخواطر . لا  
علاقه لها بما يجري اليوم .

خطرنا على خاطر خواطر غابوا  
لا صبت نوصل دارهم لا صابوا  
\*\*\*

خطرت أوهام بعيده  
هزت خواطر خاطري تهويده  
لفي شبح من وطني البعيد انريده  
ولظنان في الوقت المقتي خابوا  
أوهام وطن متقاصي لفوا عريده  
على جمعهم في الحانيات تنابوا  
انهز خافقي هزّت أرياح شديده  
وحكيّت منبوت العوارض شابوا  
بين التمني الليل والتنهيده  
حوال هبتهم لا طاوعوا لاهابوا  
\*\*\*

## أوهام الوطن

يا سيف خطرنا أوهام كنا فيهم  
تشره اخلوق النفس وين اتجيهم

\*\*\*

أوهام ونسهم  
يحيى الخواطر يطربوا دايهم  
اديار حتر زعزاع الشلوق كنسهم  
اتقول قبل ما كنا زهايا بيهم  
ولا تقول كان أوناسنا مجلسهم  
يلقى غلاه الضيف في واليهم  
بقوا ينفخوا جور الزمان دههم  
وكنس ارمال السافيات عليهم  
او هام ادياره

غوش نجع رده الفيض تبقص ناره  
ان كان واجهت لخطر ما يداره  
الله من مشارف لرض ما يغيبهم  
يرد طارفات القوم كان تهاره  
ما يلين فارسهم على عاديهم  
مصونات م اللي غايرين بكاره

عفى من مداس الدايسين عفيهم  
انذال يا غباين من احتال نصاره  
اشروك واسعه صعبت على رافيهم  
وفي أوهامهم دار الزمان مداره  
نزل بعد مارقي الشرف رافيهم  
وليام كيف الحبل ع الجراره  
أوقات يحدروا للحادره ماليهم

\*\*\*

## سطام

رزق ابني محمد بابن اسماء سطاتم جعله  
الله من رجال الوطن المهمين . فكتبت له  
هذه الأبيات .

الفارس اللي جاك مبروك جياه  
انشا الله على بالخير لافي  
رضي من يخاويه وامه وبابه  
جناحه على من يحاذيه ظافي  
سند ظهر في واسع العمر تلقاه  
صافي ولو غتر الغير صافي  
في عازة الوطن لاشك تلقاه  
ما يهون لوكار باين وخافي  
اليا عشر الجد ما خان مرباه  
لهم عرض في وين تمشي انظاف  
مع غرة العام جاتا وريناه  
تاق كيف توقة اهلل الطواف  
الله يجعله خير والخير يسواه  
سطام لعداه بولصل وافي

\*\*\*

## غياب الرفاق

رقل عقل عقلي من متين أوثاقه  
منين غيبوا بالسافيات ارفاقه  
\*\*\*

منين غيبوا واتقوا  
ويصدورهم صهد الرصاص تلقوا  
لا ككبوا . لا وخرّوا لا وقوا  
ولا هم نهار الحاميات شراقه  
ولا عزومهم كيف العزايم رُقوا  
ولا قلوبهم كيف الرقاق رفاقه  
اعزاز من اخيار الخيرين تنقوا  
قدا الموت جاقه في قفاها جاقه

## آلام مبرحه

## أَحْيِهِ مِنْ أَجْرَاحِ كِبَارِ فِي مَكْنُونِي

وظهرت اصبعي راخشات عيوني  
اعوني

## اجرای جدایی

## كل يوم يقبضها النزيف بزايد

**ظهر جبل وارد بیه نصفه باید**

تَقْطَعُ اِبْلُو اِدْلَاو مَا رُوونِي

## ویا ریت من حط لقراب بعاید

## يظل في (كمقارو) القريب الدوني

## وریت بینا والعافین حداید

ومقطوع مسداهم معاي ثموني

## انت تريد والمولى الكريم الرايد

## وخابت مع اللى خاييين اذنونى



اجــــــــــــــــــــرا حــــــــــــــــــــطايط  
متوسعة صعبت على اللي خايط  
افضيق جت ما طال الطبيب ربايط  
بين الحنايا جرحها دكنوني  
سبايب مضايح دايرين فلايط  
بعد فتت ناظور الحدايد روني  
وتبقى اللقايط في التراب لقايط  
اضعاف يشتريهم لاجنبي بالموني  
بلا عقل يمشوا في الطريق سقايط  
اقصاف يعملوا كان الخبيث الدوني  
حبارات لا سمعوا صريخ العايط  
زهيد سعرهم بالبارتين اكروني

\*\*\*

## ليلة عيد

علي هايضه لفكار ليلة عيد  
وكل شبر في عرض لبلاد شهيد

\*\*\*

علي هايضه لفكار ليلة قدر  
وجابت شرايط ماليه بالكدر  
في ابلاد كانت واسعة في الصدر  
اليوم لا علم لا شعب لانشيد  
وراح مالها بين الخوانب هدر  
وراح عرضها امشلت بعيد بعيد  
وذبلت كما يذبل اهلل البدر  
ولعاد للها في العقول رصيد  
ومكتوب ما ينفع معاه الحذر  
رمي ارفاقنا في الضيق والتشديد

ستين ليلة من اهوم الغدر  
وجع لما جع كل يوم يزيد  
لرفاق جملة مشيه في الودر  
الشيخ العبيدي وصاحبه بوزيد  
نذيره عرب مشين اثراه النذر  
معاه الزوي وزيد ولد الصيد  
ومنصور بين المنحدر والحد  
كان صقر طايب معشره في ليد  
وكم من حراير بعد لين الخدر  
ولت اصوات لحرار حديد  
مشى شذر ميعاد المحبة مدر  
والضحك عل حر الضمير يحيد

\*\*\*

## رسالة صديق

أرسل لي الصديق والأخ عثمان  
الغويزي هذه القصيدة وهي من محفوظه .  
فجزاه الله خيرًا . وأتمنى له كل الخير  
والصحة والعافية .

القافيات لاردن ولا يهتمن والباركات لاتاضن ولا بيهمن

القافيات تـوارن والباركات لاتاضن ولا استعارنذ

عارفات غير ايدرقن ويوارن وجاحدات في الشي الصحيح يغمن

حايسات في اللي صابهن واحتارن والزارعات هاهن يحصدن ويلمن  
ويلمن

هابا على ليام ياما دارن كلسحات ديمه يشرتعن ويضمن

صاعبات كنهن للورا استدارن اتجف المناهل ولقلات ايجمن

يعلن العافن والمليح ايوارن ويعرن اللي راقد بهن مطمّن

بعد زهوهن جابن كدر واكدارن بدن في طلاميس الظلام ايقمن

وبا بو حمد عندي لفكار احتارن بالله فيدني عند كش شي يطمّن

بجاه منو بامرا المراكب سارن ايهب عون على أيام الكدر وبتمن

## رداً على صديقي

وقد رديت عليه بالقصيدة التالية ..

الباركات من ثني لعقال دركهـن  
ما بين بينيين لحوال تركهـن

\*\*\*

الباركات كيف يهمن  
عليهن هموم الهامات التمن  
واللى مطوّل في الديار يدمن  
حتى ولو ظن الديار ملكهن  
الخير بالتفرد والشرور يعمن  
وليام ما واحد قدر يمسهـن  
اياك في الليالي الشاتية تطمـن  
زعازيع تلفي قسو ما تدركهـن

\*\*\*

لو كان موش مثاني  
بعقال ما يبقوا نهار حواني  
وليام للعلم الجديد مجاني  
يخلص اشباك الشبك من يشبكهن  
يغيروا على اللي في المراح الهاني

ويرموا العوالي من متين اسككهن  
لهم فعل عاجل ضربهم مداني  
اقرب ماليات المشريه يشركهن  
ونبه اللي غافل عليهم باتي  
بعد صبحهم يدماس ليل حلكهن

\*\*\*

الصبر للي صابر  
يخلي عظام الكسره تجابر  
ايام تبدا على كريد العابر  
وأيام تتحمل ثقيل دركهن  
وراجع تواريخ الزمان الغابر  
ليام ما واحد يقول ملكهن  
عراجينها تعصي وبار الوابر  
وترميه في غيره غبار مدكهن  
وكم كسروا للعاليين منابر  
وكم من عشائش خاليات سمكهن  
وكم من عمود ارفاف ولّى جابر  
اطرق خشها من قبل ما يسلكهن  
وتو يخلف الزيتون بعد الزابر  
تعجب غصانه والهواء حركهن  
انوصيك يا عثمان ديمه ثابر

على الخير لا تسمع دريز دبكهن  
وانت تواريخ القديمة خابر  
قليل منو حركات الزمان عركهن  
اللى في كلامه تتم كل محابر  
يبرم بساعات السعاد فلكهن  
ووطنك يظلى بالمكابر كابر  
وساهل يحل عقال من داركهن

\*\*\*

## تشكي ويشكولك

تشكي ويشكيلك اللى تشكيله  
عليك وطن غيب بين يوم وليله

\*\*\*

عرب تتناين  
وتشكي وجاها بالخفى والباين  
اللى كان متيسر بدي يداين  
ومساويه عنده الجمام وكيله  
اللى كان معاش عليهم كاين  
زلاقيق تحكم حكم بوبرطيله  
وكل حد ينهش في الدرينه غاين  
قليل أصل لو تحفر على تاصيله  
وفات البرانس شعبها والراين  
والنيل ما يبرد غليل غليله  
عزيز وطنهم ولّى عليهم هارين  
ومن زاد على حملة الرزين عديله  
زمان طاح من يد الزمان غباين  
اللى أسلم منهم مرتكز عل قبيله

\*\*\*



كلها تشكّي  
اللى تشوفها بظروفها تتبكي  
يردّان كيل بكيل ما هو هكه  
تجانب حياة المرمده بالحيله  
وفي وين يتكى الهوا تتكى  
تزيد فوق ما ماييل زمانك ميله  
اللى ما يصادر للرصاص ولكّه  
ليش عيشته بين الشعوب ذليله  
ولا يقول ع اللى راح فكه فكه  
ولا تمنعه عل مقصد حبيله  
وعمر المهانة يريح يمشي دكه  
كل يوم يمشي ركن منهم غيله  
الله لا يركب ساهله عل سكه  
سنين عمر ما تزيش عليهم ليله  
في وين يلقي كلب شد افذيله  
عدوك بغيطه والحبيب بشكه  
واللى رقل معاد فيه صميله  
وليّام كيف ارزاقها تزكي  
على كل حيل امقدره تحليله

\*\*\*

## رسالة من نصر بسكري

حسين بيكم يا عزاز علينا  
انتو الجرح فيكم والوجيعة فينا

\*\*\*

كان تشغلوك ويشغلك مطرانا  
حافظ على روحك احفاظ علينا

\*\*\*

انحسوا بيكم  
والجرح فينا كيف ما هو فيكم  
وكيف ما سهرتوا ساهرين عليكم  
وكيف ما بكيثوا بالدموع بكينا  
وشلنا يدينا كيف شيل أيديكم  
وكيف ما دعيتوا للكريم دعينا  
وراضين كان افراقنا يرضيكم  
احنام السعادة تسعدوا يكفيننا

\*\*\*

حكمن خاطري ليام  
عليه كيف مارادن اقبل

\*\*\*

## إلى مشايخ (قصر دلّه)

زعم قصر دلّه كيف حال اركانه

اليوم وقت من شوره خبر ما جانا

كيف حال احجاره

ولظنان هلي خيبوه اجواره

وقاعدش في اديار الخزين ادياره

وخلوش فيه امخزنه جيرانه

لا عقد نصره من البعيد وزاره

وحول على الشيوخات دار الهانه

ونفض من القبلى عجاج اغباره

ومتن بقل الساقطه بيبانه

وعادت كما كانت زمان أقداره  
وترجع زمانات البعيد زمانه  
مشايخ تعود أجرودهم كركاره  
أيام حطموا حيز الجبل ظليانه  
وتشبح مع المغرب بقايص ناره  
فيه يمنوا واضيفهم مطمانه  
ومن تاغمة الياخشم بوجراره  
للتلث ما يدوسوا الحرم ديوانه  
ولا لترعته اتباهز يهود الحارة  
ولا تجيه من ليفى علينا عانة  
كيف حال أشعابه  
ويدورش الذانون عل حلابه

والطلع ظله منية الكساية  
والكاترة ما تفوتها وديانه  
وكان ما تفوت الفايته في قابة  
وما تنقلب عل رأسها كيفانه  
ومن تايده اليا منطروس اتهابه  
ولا يدوس دوس الدايسين ادمانه  
مالال من نار التريس ترابه  
يخلوا صغار الغايرين قزانه  
ويا شيخ حتى كان طال اغيابه  
الحق ينتصر لو وسَّعوا ميدانه  
اللي نَدَّروا النادر قريب أشهابه  
بيك بكت البارود وسط الدانه

وتلهم احفافات الجبل والغابة  
وتحرق اجدور اخيانة الخوانة  
وتنظاف لا غريان لا غرابة  
لا غرب لا نسون اتبات حزانه  
لا عصر لا عصَّار لا قرقابة  
وتفرغ خوابي بغيظها مليانة  
ويبراكسير الكسرين عيابه  
يعودوا البرانه راكزين برانة  
وللقصر ياتوا الغاييين طرابه  
يعود سيد سلمى في مكان مكانه  
طارش على هاكي لخشوم انقابه  
وخوت الحماية وين ظن أظنانه

## رد الشيخ بن الشيخ السباعي

طــــــــافي ضــــــــوه  
من يوم يا دكتور جار عدوه  
روس المشايخ قاعده لاتوه  
أفداموس في شطيب المطمّر جوا  
في أيام كانت غايبه المروه  
وزاده فتعميق الجروح بقوه  
كان جرح في مقتل وزاد تهوا  
وبينه وبين المجد صارت هوّا  
لا عاد في هالوقت من يتنوا  
لا عاد شيخ وهيبته وسموه  
ونس م الغصايص قاعده تتلوى  
غير بعضنا من غير ما يتروى  
وأنا أولهم رأس مالي دوه  
في بر مترامي وزايد نوّه

اليوم فوق قرن ونصف ما هو هو  
وحرك الباشا قوته واعوانه  
والدرك في ستين شيخ رزانا  
لبهم الها الساعة قعد جبانه  
فاتت مذابحهم مجازر قانه  
عدو الدين كمل عل عدو الساته  
من يومها دلّه فقد مكانه  
لا الوقت وقته ولا الزمان  
مكان لولين زمان من سكانه  
إلا انقاض قصرا مشرعه بيبانه  
من جرح يدمي قاعدين حزانه  
عاش خياله دون ما يتوانا  
طالق بقوة للخيال اعنانه  
واللي أقدال اليوم صار مجانا

راحت أيام الزغزغى وعلوه  
قاعـــــد هـــــــــابي  
كيف حال كل الوطن ماكنش غابي  
من جور شيخ الفتن والصلابي  
ومن ظلم بوسدره وكل إرهابي  
ومن عبث الأشاوس ومل نيابي  
والقصر ناسه والهموم معابي  
جاف والروابي ما تقول روابي  
حاكم عليه الزمن حكم أغيابي  
غير حضرتك عل طول فيه  
غلبوا اللي فاكر عليهم عابي  
ومن بعدهم طايح زمان انقابي  
أنا انقول لك هذا الجواب جوابي  
وعندي فتديد الجواب أسبابي  
رغم الظروف وحسرتي في أخطابي  
وراحت أيام القصر فيه برانا  
ونسه من هموم الزمان مكابي  
عايشين هم وعاشين مهانة  
واللي فتدمير البلاد تفانا  
ومن قوم تبّع يطعنوا في قفانا  
دون الجماعة عايشين حصانة  
يعانوا وبانت داكنت أركانه  
في الوطن ديمه خاطيات أمزانه  
ليّام راحت والزمان قسانا  
وما زال عندك رامجات أوزانه  
ردمهم تراب الحفر والدفانة  
ومن بعدهم حتى العز جفانا  
وكل حد عنده نظرتيه وبيانه  
شوق في خفايا في عموم قضانا  
ما زال للوطن العزيز وفانا

\*\*\*



الشيخ بن زعيمه

انت انقول قصر الحاج هو ودله

تکوت قصرهم ع العطف کسر ظله

## بیانِ امشِ رّف

وَحَلْشَاكَ مَا نَقْدِشْ اَنْقُولْ اَنْخَرْفْ

**لا عاد لا مدير لا منصرف**

ولا نجع يحكم فيه شيخ محله

## انوصوك ديمه فى الطريق اظرف

## وهالتا وبعد اظلمت تجلى

\*\*\*

## رد على الشيخ ابن زعيمة

عليكم تكفيّ قبل ما يتكفّي

منين هاب هايكم اركوز الحفه

ما رقي راقـيكم

من قبل قصر تكوت ظل عليكم

لوكانكم جيتوه قبل يجيكم

سمكتوا خوالف بيتكم والرفه

منين عطف عطف العطف بين ايديكم

والباردة من قبل ما تتوفّي

غفيتوا وطول بالغفا غافكم

وراح وطنكم منكم مشي في نفه

قعدتوا حمار الليل ساري بيكم

وفيكم كرافي المندرة تشقّي

اسناد كان في السابق بدي جافكم  
النار داهمتكم لا فزع لا طقى  
يخزي الطمع والسوس طقّع فيكم  
منين صفكم دار العدو من صفه  
ويا شيخ راهو فعلكم يغليكم  
وليام من تغثيرها تصفى

\*\*\*

## الفهرس

٣	الإهداء
٤	أوهام
٦	إلى مبروكه
٩	إلى ابني سيف
١١	خيول النصر
١٤	إلى الابن عبد الباري
١٨	حاجة المحتاج
<b>Error! Bookmark not defined.</b>	<b>الوطن</b>
٢٣	فراق لا لقاء بعده
٢٥	يا عيد
٢٧	إلى أخي نصر بسكرى العبيدي
٣٠	رد على رد
٣١	رد على رد
٣٤	وصايا
٣٥	إلى الشيخ ابن زعيمه
٣٦	الخيانة المكروهه
٣٩	امزان الخريف تعلوا
٤٠	الحمادة الحمراء
٤٤	الجوش
٤٧	هموم البعد
٤٩	الفرج آت
٥١	السهر
٥٣	طلح الوطن
٥٥	ذكريات
٥٧	سهيل تاق

٥٩	الصور التي هيجت الأفكار
٦٠	أوهام الوطن
٦٢	سظام
٦٣	غياب الرفاق
٦٤	آلام مبرحه
٦٦	ليلة عيد
٦٨	رسالة صديق
٦٩	ردًا على صديقي
٧٢	تشكي ويشكولك
٧٤	رسالة من نصر بسكرى
٧٥	إلى مشايخ (قصر دلّه)
٧٩	رد الشيخ بن الشيخ السباعي
٨١	الشيخ بن زعيمه
٨٢	رد على الشيخ ابن زعيمة
٨٤	الفهرس